

կերակրելուց յետոյ, դործնական որեւէ քայլ չեն անում, մանաւանդ որ շուտով մեռնում է եւ Իսրայէլ Օրին, Հայաստանի ազատագրութեան սգին եւ օտար արքունիքների հետ բանակցութիւններ վարողը:

Նրա մահից յետոյ՝ իր դործակիցները միտա ժամանակ եւս շարունակում են իրենց որոնումները օտար պետութիւնների մօտ, դըլխաւորապէս Ռուսաստանում, մինչեւ որ վերջնականապէս օտարներից յուսահատուելով, ձեռնիքաբար են լինում:

Այնուհետեւ Դաւիթ Բէգով սկսում է մի նոր շրջան եւ նոր ուղղութիւն մեր ազատագրութեան պատմութեան մէջ: Գործի ծանրութեան կենտրոնը դրանց փոխադրւում է ներքը, դէպի կրկիր եւ մի կողմ են շարժուում դիւանագիտական փնտրումները: Հայ ժողովուրդը այժմ յոյսը իր վրայ դրած եւ զէնքի ու իր բազկի ոյժին ապաւինած, ընդվզում է եւ կրուռի մէջ է որոնում իր ազատութիւնը: Թէպէտ այն էլ պիտի մատնանշել, որ նոյն արեւելեան Հայաստանի մէկ ուրիշ մասում, Ղարաբաղում, հայ մելիքներ, դեռ եւս շարունակում էին իրենց բանակցութիւնները ռուսների հետ, յոյսերին նրանց վրայ դրած:

Եւ չորս տարուան հերոսամարտից ու անդու ջանքերից յետոյ՝ Դաւիթ Բէգին յաջողւում է վերել թշնամի պարսիկներին եւ դուրս քշել իր հայրենիքից: Հայաստանի ազատագրութեան մէկ հողամասի վրայ ծածանւում է Հայաստանի անկախութեան դրօշակը, որի հովանու տակ բազմատանջ հայ ժողովուրդը մի կարճ ժամանակով ազատութիւն եւ հանդիստ է ճաշակում:

Բայց ճակատագիրը այլ կերպ էր տնօրինել: Պարսիկներին յաջորդում են տաճիկները, անհամեմատ աւելի զօրեղ եւ աւելի լաւ կազմակերպուած, քան իրենց հաւատակիցները: Անհաւասար կուռի մէջ հայերը պարտւում են. տաճիկները յաղթանակում են եւ մեր մանուկ ազատութիւնը մեռնում է:

Ճիշդ է, տաճիկների տիրապետութիւնն էլ երկար չի տևում մեր այդ հողամասի վրայ: Նադիր Շահի օրով պարսիկները կրկին զօրեղանալով, վերադարձում են իրենց նախկին

կրկիրները, բայց Հայաստանի անկախութիւնը արդէն վերացած էր\*):

ԱՆԿԱՆՈՒԹԵԱՆ ԳԱՂԱՓԱՐԻ ՎԵՐԱԿԵՆԴԱՆԱՑՈՒՄԸ

Դաւիթ Բէգեանները — այսպէս ենք անուանում, որովհետեւ Դաւիթ Բէգի մահից յետոյ՝ նրա զինակիցները մի առ ժամանակ շարունակեցին նրա գործը — պարտութիւնից եւ Ղարաբաղի մելիքների վերջնական յուսախաբութիւնից յետոյ՝ Հայաստանի անկախութեան յոյսը ժամանակաւորապէս աղօտանում է, բայց չի մեռնում: Նա կրկին շարունակում է սպրել հայ ժողովրդի հոգում, թէեւ նման մոխիրների տակ թաղնուած կայծին, որի դոյութիւնը ոչ ոք չի նկատում, սակայն մի շունչ կամ մի բարեպատեհ հանգամանք միայն բաւական են, որ նա կրկին բոցավառուի եւ հրդեհի լուսով աշխարհ լուսաւորի:

Նա չէր կարող մեռնել ամենից առաջ այն պարզ պատճառով, որ նրան ծնող դըլխաւոր աղբիւրը՝ հայ ժողովրդի թշուառ դրութիւնը, դեռ շարունակում էր մնալ նոյնը, եթէ ոչ աւելի վատթար, որ հրամայողաբար ազատութիւն էր պահանջում:

Երկրորդ՝ արդէն մի քանի սերունդներ էին դաստիարակուած ազատութեան ոգով, նրա համար երկար տառապել ու զոհաբերել, իսկ ժողովրդի առածի պէս՝ ինչ որ կաթիլ հետ է մտել, միայն հոգու հետ միասին կարող է դուրս դալ:

Եւ վերջապէս երրորդ՝ մենք ունէինք զօրեղ մարտական կազմակերպութիւններ ու մարտիկներ, որոնք բազմաթիւ անգամներ ցոյց էին տուել իրենց զէնքի յաջողութիւնը — թէ՛ ազատագրական կռիւների ընթացքում՝ ընդդէմ պարսիկներին ու տաճիկներին, թէ՛ լեռնականների յաճախակի արշաւանքների ժամանակ: Ճիշդ է, այդ մարտական ուժերը թէեւ այժմ ցրուած ու ծծուած էին ժողովրդի մէջ, սակայն մոռանալ չէին կարող իրենց զէնքի փառքը: Մի տեսակ դարան մտած, բայց կազմ ու պատրաստ, նրանք անհամբեր սպասում էին

\*) Չամչեան՝ Հ. Պատմ. » Գ., 1 էօ՝ «Հայկ. Տպագր.» Բ., պրոֆ. Թումայեան՝ «Պատմ. Արեւել. Խնդ.» Ա.